

『元亨釋書』20 資治表1 敏達

十有三年。春。夏。秋九月。僕射蘇公營殿于石川宅。冬十月。度三尼。

十三年。九月。百濟使麻深臣持彌勒石像而來。又佐伯連有佛像。蘓馬子於石川宅。構殿安二像。褒馬子之克承先子營佛事。故書官不名。十月。馬子令高麗**惠便**度善信。禪藏。慧善三尼。於石宅精舍供給。一日設大齋會。善信之父司馬達等豫焉。於齋饌上得佛舍利。獻馬子。其舍利。神異不測。馬子益厚淨信。